




HADIS 40

OBJEKTIF KURSUS KESELURUHAN:

- a) **Memahami konsep Hadis 40:** Peserta akan memperoleh pemahaman mengenai Hadis 40 termasuk sejarah penyusunan, latar belakang pengarangnya serta peranan Hadis 40 dalam tradisi hadis Islam.
- b) **Mengenalai hadis-hadis utama dalam agama Islam:** Peserta akan mengenali dan mempelajari teks-teks Hadis 40 yang paling terkenal, memahami konteks dan makna setiap hadis serta aplikasinya dalam kehidupan seharian.
- c) **Menghayati pengajaran Hadis 40:** Peserta akan mengkaji dan memahami pengajaran moral, etika dan hukum yang terkandung dalam Hadis 40 serta implikasinya terhadap amalan hidup.
- d) **Mengaplikasikan hadis dalam kehidupan:** Peserta akan mempelajari cara-cara untuk mengaplikasikan pengajaran Hadis 40 dalam kehidupan peribadi, keluarga dan masyarakat serta mengintegrasikan nilai-nilai hadis dalam tindakan sehari-hari.
- e) **Menilai kepentingan Hadis 40 dalam agama Islam:** Peserta akan menilai kepentingan Hadis 40 dalam memahami syariat Islam secara menyeluruh serta peranannya dalam memperkuat iman dan amalan dalam masyarakat Muslim.

HADIS KE-15: BERKATA BAIK, MENGHORMATI JIRAN DAN TETAMU

عَنْ أَبِي هُرَيْرَةَ رَضِيَ اللَّهُ عَنْهُ، عَنْ رَسُولِ اللَّهِ صَلَّى اللَّهُ عَلَيْهِ وَسَلَّمَ قَالَ:

Diriwayatkan daripada Abu Hurairah r.a., daripada Rasulullah SAW yang bersabda:

مَنْ كَانَ يُؤْمِنُ بِاللَّهِ وَالْيَوْمِ الْآخِرِ، فَلْيُكَلِّمْ خَيْرًا أَوْ لِيَصْمُتْ. وَمَنْ كَانَ يُؤْمِنُ بِاللَّهِ وَالْيَوْمِ الْآخِرِ، فَلْيُكَلِّمْ جَارَهُ. وَمَنْ كَانَ يُؤْمِنُ بِاللَّهِ وَالْيَوْمِ الْآخِرِ، فَلْيُكَلِّمْ ضَيْفَهُ.

“Sesiapa yang beriman kepada Allah dan hari akhirat, hendaklah dia berkata baik ataupun diam. Sesiapa yang beriman kepada Allah dan hari akhirat, hendaklah dia memuliakan jiran. Sesiapa yang beriman kepada Allah dan hari akhirat, hendaklah dia memuliakan tetamu.”

رَوَاهُ الْبُخَارِيُّ وَمُسْلِمٌ.

Hadis ini diriwayatkan oleh al-Bukhari dan Muslim.

The background of the slide is a faded, high-angle photograph of a mosque courtyard. In the foreground, there is a large, ornate fountain with multiple tiers and water spraying upwards. People are seen walking around the courtyard. In the background, there are large, arched structures, likely part of the mosque's architecture. The overall tone is warm and historical.

Antara pelajaran dan pelaksanaan inti pati hadis dalam kehidupan yang boleh diambil ialah:

1. Hadis ini menjelaskan bahawa amalan ialah sebahagian daripada iman. Oleh sebab itu, terdapat keterikatan antara amalan dengan keimanan kepada Allah SWT dan hari akhirat. Ia menunjukkan bahawa orang beriman seharusnya sentiasa menjaga lidahnya, memuliakan jirannya dan juga tetamunya.
2. Hadis ini membicarakan hak-hak Allah SWT dan hak-hak manusia. Bercakap baik atau diam merupakan antara hak-hak Allah SWT, manakala memuliakan tetamu dan jiran adalah antara hak-hak sesama manusia. Islam mendidik umat Islam agar menunaikan hak-hak tersebut dengan sebaik yang mungkin.
3. Daripada hadis ini juga difahami bahawa kita dilarang menghamburkan kata-kata yang jahat dan buruk serta menghina dan mencaci orang lain termasuklah jiran dan tetamu, termasuklah tidak menghormati dan menceroboh hak mereka.
4. Memuliakan seseorang meliputi beberapa perkara yang berkaitan termasuklah memberi salam, berbuat ihsan, menutup keaibannya, menasihatinya, menunaikan hajatnya dan menggembirakannya. Semua ini terkandung di bawah maksud "memuliakan."

SENARAI RUJUKAN PENTING

1. Al-Arba'un al-Nawawiyyah cetakan Dar al-Minhaj.
2. Al-Kafi dan Tatmim al-Kafi: Syarah Hadis 40: Dr. Zulkifli Mohamad al-Bakri.
3. Syarah Hadis 40 Al-Nawawiyyah: Zulhimi Mohamed Nor, Mohd Yusuf Ismail, Amiruddin Mohd Sobali dan Ahmad Sanusi Azmi.
4. Syarah Hadis 40 Imam Ibnu al-Aththar: Terjemahan dan Huraian Dr. Mohd Solleh bin Ab. Razak.
5. 40 Hadis Imam Nawawi: Sebuah Huraian untuk Dunia Semasa: Ali Jum'ah: Terjemahan Lajnah Penterjemahan APT.
6. Modul Penghayatan Hadis 40 Imam Nawawi: Kementerian Pendidikan Malaysia.
7. Al-Wafi fi Syarh al-Arba'in Al-Nawawiyyah: Dr. Mustafa al-Bugha.
8. Jami' al-'Ulum wa al-Hikam: Ibn Rajab al-Hanbali.